



БУЮК КЕЛАЖАК ЙЎЛИДАГИ ЭЗГУ МАҚСАДЛАР

уларни рўёбга чиқаришда устоз ва мураббийларнинг алоҳида ўрни бор

Ватанимизнинг тараққиёт йўлидан дадил одимлаши, жаҳон ҳамжамиятида муносиб ўрин эгаллаши, мамлакатимиз иқтисодий, илмий-техникавий, маданий-маърифий салоҳияти юксалиб боришининг муҳим воситаларидан бири бўлган таълим соҳаси изчил ривожлантирилмоқда.

Бу жараёнда ўқитувчиларнинг самарали меҳнат қилиши, ишга ижодий ёндашиши, изланиши учун барча шароит ва имкониятларни яратиши ва уларни қўллаб-қувватлашга оид кенг қўламли

чора-тадбирлар амалга оширилмоқда. Ёшларга пухта билим бериш, уларни миллий анъана ва қадриятларимизга содиқлик руҳида қатъий эътибор билан қизиқиши ва лаёқати бўйича касб-хунар-

га йўналтиришга оид эзгу саъй-ҳаракатлар хорижий мамлакатларда ҳам ибрат олишга аризулик модель сифатида юксак баҳоланмоқда. "Обод турмуш йили" Давлат дастури ушбу хайрли ишларни нафақат изчил давом эттириш, балки таълим соҳасини сифат жиҳатидан янада юқори босқичга кўтаришга қаратилган кенг қўламли чора-тадбирларни амалга оширишга йўл очмоқда.

Жумладан, Давлат дастурининг тўртинчи бўлимида жисмонан соғлом, маънан етук-баркамол авлодини тарбиялаш, кадрларни касб

жиҳатдан ҳозирги замон талаблари даражасида тайёрлаш, таълим сифатини янада ошириш ва такомиллаштириш, таълим муассасаларининг моддий-техник базасини мустаҳкамлаш борасида амалга оширилаётган ишлар самардорлигини юксалтиришга қаратилган аниқ чора-тадбирлар белгилаб берилган.

Айтиш жоизки, "Таълим тўғрисида"ги қонун, Кадрлар тайёрлаш миллий дастури ва Мактаб таълимини ривожлантириш Давлат умуммиллий дастурини ҳаёtgа татбиқ этиш давомида

замон талабларига жавоб берадиган, барча жабҳаларда мамлакатимизни изчил ривожлантиришни таъминлаш шарт-шароитларига мос келадиган, бутун дунёда эътироф этилган ноёб узлуксиз таълимнинг миллий модели яратилди. Мазкур тизимнинг самарали фаолият кўрсатиши учун зарур мустаҳкам моддий-техник база шакллантирилди, малакали педагог кадрлар тайёрланди, янги давлат таълим стандартлари ва ўқув-услубий адабиётлар ишлаб чиқилди.


(Давоми иккинчи бетда)

Qonun ko'magi

Тадбиркорлар манфаати доимий ҳимояда

Маълумки, бугунги кунда кичик бизнес ва хусусий тадбиркорлик иқтисодий ривожда муҳим ўрин тутмоқда. Шу боис соҳа вакиллари манфаатларини ҳимоя қилишга устувор аҳамият берилмоқда.

(Давоми иккинчи бетда)



Маълумки, суд қарорларининг тўлақонли ижро этилиши инсон ҳуқуқ ва манфаатларини таъминлашнинг муҳим омилларидан бири ҳисобланади. Шу боис суд-ҳуқуқ тизимида олиб борилаётган ислохотлар жараёнида суд қарорларини ижро этиш тизимини

такомиллаштиришга алоҳида эътибор қаратилмоқда. Бу борада Президентимизнинг 2012 йил 29 декабрдаги "Ўзбекистон Республикаси Адлия вазирлиги ҳузуридаги Суд қарорларини ижро этиш, судлар фаолиятини моддий-техника жиҳатидан ва молиявий таъминлаш департаменти фаолиятини янада такомиллаштириш чора-тадбирлари тўғрисида"ги қарори муҳим дастуриямал бўлиб хизмат қилаётир.

(Давоми иккинчи бетда)

Qaror va ijro

Суд ҳужжатлари ижроси

инсон ҳуқуқ ва манфаатларини таъминлашда муҳим аҳамиятга эга



Қонунчиликни демократлаштиришнинг самарали механизми

Самарқанд шаҳрида "Фуқаролик институтлари ва меъёрий-ҳуқуқий ҳужжатларнинг жамоатчилик экспертизаси: қонунчиликни демократлаштириш масалалари" мавзусида халқаро илмий-амалий семинар бўлиб ўтди.

Тадбир Фуқаролик жамияти шаклланишини мониторинг қилиш мустақил институти томонидан Ўзбекистон Республикаси Президенти ҳузуридаги Амалдаги қонун ҳужжатлари мониторинги институти, Адлия вазирлиги, Олий Мажлис Қонунчилик палатаси билан ҳамкорликда ЕХХТнинг мамлакатимиздаги лойиҳалари мувофиқлаштирувчиси, Германиянинг Ф.Эберт номидаги жамғармаси ва Миллий демократия институти

(АҚШ) ҳамда БМТ Тараққиёт дастурининг ваколатхоналари кўмагида ташкил этилди.

Семинарда Ўзбекистон Республикаси Олий Мажлиси Қонунчилик палатаси депутатлари, давлат ва жамоат тузилмалари, ЮНЕСКО, ЕХХТ, Ф.Эберт ва К. Аденауэр номидаги жамғармалар, Миллий демократия институти (АҚШ) вакиллари, Бельгия, Болгария, Германия, Жанубий Корея, Россиядан халқаро экспертлар иштирок этди.

(Давоми учинчи бетда)

Мустақиллик йилларида мамлакатимизда инсон ҳуқуқлари, эркинликлари ва унинг қонуний манфаатларини ҳимоя қилиш давлат сиёсатининг устувор йўналишларидан бирига айланди. Энг муҳими, бу борада мустаҳкам ҳуқуқий база яратилганини алоҳида таъкидлаш жоиз. Аввало, Конституциямизда инсон, унинг ҳуқуқ ва эркинликлари, шаъни ҳамда қадр-қиммати энг олий қадрият эканлиги белгилаб қўйилди.

Qonun ijodkorligi

Мурожаат қилиш ҳуқуқи

бу борадаги ҳуқуқий асослар янада такомиллаштирилмоқда

Бош қомусимизнинг 2-моддасида қайд этилганидек, давлат халқ иродасини ифода этиб, унинг манфаатларига хизмат қилади. Давлат органлари ва мансабдор шахслар жамият ва фуқаролар олдида масъулдирлар.

Шунингдек, мамлакатимизда фуқароларнинг мурожаат қилиш ҳуқуқини амалда тўлиқ таъминлаш мақсадида муҳим чора-тадбирлар амалга оширилиб келинмоқ-

да. Муҳими, бу борадаги ҳуқуқий асосларни изчиллик билан такомиллаштиришга алоҳида эътибор қаратилмоқда.

Яқинда Олий Мажлис Қонунчилик палатаси томонидан биринчи ўқишда қабул қилинган "Жисмоний ва юридик шахсларнинг мурожаатлари тўғрисида"ги қонун лойиҳаси ҳам бу фикримизни тасдиқлайди.

(Давоми учинчи бетда)

Мамлакатимизда соғлом ва баркамол авлодни вояга етказиш борасида яратилаётган улкан имкониятлардан самарали фойдаланиб, спорт билан мунтазам шуғулланаётган ўғил-қизлар сафи тобора кенгайиб бормоқда. Бунда замонавий спорт мажмуалари ёшларимизни ҳам жисмоний, ҳам маънавий жиҳатдан етук этиб тарбиялаш, уларнинг жаҳон спорти майдонларида юксак марраларни эгаллашга қодир авлод бўлиб шаклланишида муҳим омил бўлмоқда.

Bolalar sporti

Иқтидорли спортчилар маскани

Президентимиз Ислам Каримов таъкидлаганидек, бизнинг фарзандларимиз гоят истеъдодли, ақлу заковат бобида ҳеч кимдан қолишмайди. Уларнинг иқтидорини қадрлаш, имкониятларини юзага чиқариш, Ватаннинг мард ва фидойи фарзандлари этиб тарбиялаш учун шарт-шароит яратиш берилган ҳар биримизнинг



шарафли бурчимиздир. (Давоми тўртинчи бетда)

